

LA USC DI LADINS – VENERDÌ 5 LUGLIO 2013

Curs de ladin

Le Museum Ladin Ćiastel de Tor mèt da jì deboriada cun l'Istitut Ladin Micurà de Rù a San Martin de Tor n curs de ladin por prinzipiané, vigni vëndres dai 5 de lugio ai 30 d'agost. Pro chisc cursc de ladin vègnel portè dant les fondamèntes y le svilup dl lingaz ladin tres jüé y conversaziun. Les porsones che tol pert al curs à tl medemo tēmp la poscibilitè da imparè da conèsce la storia y la cultura dles valades ladines y po spo dedò inće jì a ti ciarè al Museum Ladin. I cursc de ladin por prinzipiané gnarà tignis vigni vëndres dai 5 de lugio cina ai 30 d'agost (ater co nia ai 16 d'agost) dales 10.30 ales 12.00 tl Museum Ladin Ćiastel de Tor a San Martin de Tor. Le Museum mèt da jì chisc cursc deboriada cun l'Istitut

va inant a plata 2

Curs de ladin

va inant da la pruma plata

Ladin Micurà de Rù. Por tò pert al curs él da paié 5,00 euro, sc'an ô inće jì a ti ciarè al Museum Ladin còstel 10,00 euro. Chi che à interès

po se prenotè tl Museum Ladin al numer de telefonn 0474 524020. De lugio y d'agost é le Museum Ladin Ćiastel de Tor davert dal lönesc ala sabeda dales 10.00 ales 18.00 y la domènia dales 14.00 ales

18.00. De plü informaziuns ciafa interessà tl Museum Ladin Ćiastel de Tor, Str. Tor 65, San Martin de Tor (numer de telefonn: 0474 524020) y sòn internet sot a www.museumladin.it